

四庫全書

集部

欽定四庫全書

御製詩二集卷八十八

古今體一百十五首

己卯六

長春仙館得句

謁思仙館一臨諸芸几蘭閨信灑如憂樂向來成底事
詩書無射合相於松間雅愛風延爽竹裏仍看月入虛
廿四年前閒景概祇宜分付綠紗疏

白蘋紅蓼扁舟

延樓橫俯芳洲坐玩風行水流妙趣明湖曾見白蘋紅
蓼扁舟

載月

閏六月
十一日

紫雲傍晚歛魚鱗今歲蘭舟載月新虛度春光饒度夏
拓量鉤影窄量輪偷閒耐可裁清詠惡旨寧當事美醇
偏是湊機剛得句厭他供奉按歌頻

泛月雜詠十二首

有序

槐庭結夏後庚恰度二旬梧井延秋先甲將臨三

日得月宜逢閏籥舉頭增一回圓催詩好趁宵輪
著眼大千界滿爾乃遲望舒於海嶠引列宿於河
源裁雲遙拂天衣采露近分仙掌舟泛澄湖片葉
非米非張溪迴夾岸雙虹是蘇是白婆婆樹影誰
饒探窟深情羃塵荷香自寄涉江遠思車子之書
未卷螢照能明歐生之賦欲成蛩吟亦切總以勅
幾甫暇聊拈閒話於水天肯因蠲暑重題輒侈新
聞於花月者哉

月

蟄生蚌實識虧盈離畢經箕驗雨晴誰謂古今不相及
舉頭請看十分明

星

貪看月鏡逮星羅那覺分光覺助多未免傍秋少惆悵
不堪牛女隔銀河

雲

碧宇寥蕭擁玉輪偏宜隱現襯魚鱗太清點綴何妨爾

景重由來亦可人

露

滾滾淅淅夜晴披濕袂無聲坐久時何必羽觴飛月下
試嘗天酒正如飴

舟

漾舟憑月月憑舟賓主分明識得不若論今宵親切句
不妨如是且隨流

湖

空澄正印虛明體搖漾又宜流動情翠舸不教輕下櫂
琉璃一片可憐生

溪

湖以寬佳溪以曲隄迴舟轉趣偏賒忽疑座席籠霞錦
却見朦朧夾岸花

岸

露芳風馥遞來徐到岸舟停月亦如今夕烟航事稱畢
明朝逢霽又相於

樹

如薺如雲如有無
松篁不辨翠模糊
就中掛得一輪鏡
大勝米家墨戲圖

荷

徐徐盪槳恐妨荷
容與湘妃晤素娥
暗識聞香真絕勝
元之詩句得情多

螢

雨中燃著星中亂
月下何妨熠燿明
分量不知休致誚

微光亦趁一時榮

蛩

沙岸聞吟看不見
每先秋節報人秋
教停桂檝收蘭舫
冷露無聲月色流

細雨

閏六月
十二日

霖雨霈優渥人心率望晴
晴未逾十日溽暑苦炎蒸
因之復冀澤滌翳期涼生
過午西北風陣雲嶺上橫
傍晚雲霞霏氣爽頓含清
解作略片刻雲散返照明
披雄登

楚臺幾

平聲

望遊玉京風景誠佳哉不無餘惜怵晚田耨

已畢繼霑待畦塍霑矣即時暘斯可卜西成於穫豈辭
多我亦同人情靜觀復自哂誰得心常恒

湖樓晚眺景物鮮奇吟翫成篇即書壁上

天垂霞脚水澄烟天水空明相與鮮怡著高樓臨玉岸
似遊懸圃望銀田虹如博帶匪伊東月是古鉤特地娟
墨汁金壺待書壁滄池容與漫開船

曹知白秋涉圖

褰裳高士涉寒津貞素分明寄澤民

見自題語

寓意應同子

太叔交敦久敬莫他人

賦得涉江采芙蓉疊舊作韻

夏曉風竟谷雨餘水漲江纔看樹低岸

岸遠則樹低

漸入菱

籠艘陸卉自無比隔華實鮮雙葩真紅玉珮葉是碧油
幢逸態凌艎棹輕香襲舸窓挹清芬不絕著俗艷全降
一晌引新興五言續舊腔會心於澹泊聲色任攃攃

夜雨

閏六月十四日

溽熱正思涼雨湔晚來載月喜晴妍望中雲色天邊作
遊罷瀑聲枕上傳已覺薄寒侵葛幔兼欣優潤遍禾田
審斯庶可西成卜損益權衡倍悚然

雨後泛舟乘涼攬景

夜雨初收曉烟泮涼景宜人又堪玩今日幾務乃值閒
已刻明廷罷批判東湖潏沔命蘭舟雲散風來爽氣流
昨朝暑熱避何所詎是酷吏無端收花枝樹葉皆生態
琳沼漪瀾渾可愛曦先秋節懸清光露滿荷盤流沆瀣

江毫宣硯左右隨偶然弄墨有所思一念聖狂分罔克
午前攬景或非宜

玉如意

巧匠琢荆玉雅堪號握君含章洵遠俗特達迴超羣味
道如可挹葆光意不紛奚稱韋刺史藉用指三軍

立秋

閏六月
十六日

代謝無停晷天行又報金有風已覺爽不雨却憂霖

立秋

日小雨即晴為佳占不雨反
恐為秋霖是日未雨故云

荷露泥濃氣樹蟬流響音

評量人與物一例向秋心

遣吟

澄虛榭朗散幽襟景入新秋雅稱心
搖扇暑如避西顥登舟月恰出東林
遣吟細字渾難寫即目烟波耐可尋
傍岸剛欣芳草綠王孫又送數聲吟

荷露烹茶

秋荷葉上露珠流柄柄傾來盞盞收
白帝精靈青女氣惠山竹鼎越甌學
仙笑彼金盤妄宜詠欣茲玉乳浮

李相若曾經識此底須置驛遠馳求

題錢維城歲寒三友山水畫

佳處是修篁書屋作者定梅花道人閉戶已來歲月幾
庭前看取老松鱗

竹虛松古谷谿谿閣外寒梅又作花點筆詩人如著句
定稱三友一應加

熱

婪暑今年劇溽蒸可奈何頓思涼雨洗安得爽風過竊

怨屋窮屋畧欣利晚禾情知秋氣入孤注想無多

鸚鵡

鸚鵡雖能言所言自不知清晨對籠語巧舌能效為

解張

華教啄鷗何忠代寄信審然乃鳥妖事不可為訓

解雀房

飼養熟習慣聽數言

不過曰大哥哥人來了之類

背籠乃語他誠恐無

端傳

解三

甲乙二內侍甲癡乙者點鸚見甲者馴見乙鳴戛

戛

解四

甲為鸚爬搔展翅意若喜有時眠掌上毆之亦弗起

解五

乙持果實來漫餌實相撩鸚亦伺其怠利嘴噉如鵬

解六

因悟昌黎言小黠乃大癡智固不可逞物固不可欺

解七

即事摘藻詞物各具性靈中孚豚魚吉可以詮義經

解八

澄虛榭待月作

朗榭臨碧湖潏沅不計里因居岸之西待月恒於此羅
落迤東林掩映金盤子須臾升其杪翻影漾湖水天水
月胥虛誰與分別是三閒獨無言了然洞妙理

竹如意

通體猶存節全形不事雕天然芝朶纈無礙物華撩代

語靜為用因心機自消一吟德裕賦神理覺超超

雨

閏六月
二十日

南郊竭誠祈邀

貺霈甘澤敢曰微誠通好生實

帝德侵尋待半月嘉霽亦屢獲補種出土苗難施耘耨
力以茲復望晴旋即雲開晝時暘已過旬炎熇日以熾
嫩苗豈能當更冀涼雨滌昨來常生雲問夜不安席今
朝乃大霑溝壑盈頃刻禾黍定勃興感深手加額慙慙

經三月優霑纔略釋霑來曾未幾慰懼又數易

昊蒼有權衡揣度終非得永矢祈年忱靜聽

天恩錫

雨中泛舟六首

族雲暎雨過前川
颯景宜涼一漾船
可會應知不可著
水晶闕裏小遊仙

尋常溪岸望偏賒
藉甚吳家更米家
昨日清明荷露夥
收來可試雨中茶

細點恰如魚咬蓼亂激直擬瀑連天聲空聲與色空色
得渡惟應般若船

乍明未准便晴開雲湊旋看挾雨來倒峽傾江任滄盪
笑他空有曝鱸顚

烟縷風絲拂面迎生衣又覺峭涼生昨朝愁暑意何往
若箇恒心得解更

顰顰酣灑盡驅炎天水空濛一色恬消得閒心耽筆墨

波光樹態供

去聲吟拈

新秋討源書屋

萱祀悉

興居芸室授進止渥雨夜分收曉晴亦可喜珠綴柳帶
潤麝噴荷濯綺砌寒響吟蛩屋老多鬪蟻宜暢厘農務
對時格物理立秋過五日秋意今朝始

昆明湖上賞荷五首

宿雨初收曉露多幾開湖上賞秋荷那須牛女標銀渚
織出憑看裏錦羅

練橋右畔景偏殊
琳地霞天別一區
便是南巡坐來舫
那更麴院憶西湖

幽閒格態靜精神
一種亭亭最可親
輕下筠篙收桂棹
恐妨唐突洛川人

漸入花深香亦深
濛濛露氣濕衣襟
同舟不是能詩者
御前大臣額駙等每
隨登舟率不能詩也
腹藁成來獨自吟

望雨愁多夏澤乾
花無顏色懶來看
雨霑花好秋臨矣
君子奚妨時節闌

景明樓得句

水誌昆湖較舊添
化功功倍逮飛潛
停橈漪影翻銅鳳
倚檻曉光印玉蟾
此地尋常不知暑
況今風物總驅炎
半年曾未相過
平聲問孤負文窓與畫檐

寫秋軒

可知圓蓋本無私
玉露金風又一時
仁者見仁智者智
寫秋自是此軒宜

文伯仁雲壑秋晴

雲如解避秋片片似波流地是箕顙界舟同李郭儔天
高惟色淡樹靜乃聲稠借問騷人士於斯賦就不

晚晴落照

西日赭東山東霞翻西宇有光乃無質燿燿輝林楚著
壁如塗赤入水似燃炷樹蟬益亮簧池蛙競鳴鼓須臾
暮景蒼色聲歸靜所

題金廷標寫意秋英十八種

晚香玉

夏英看已是秋英
渾露嫋嫋放晚榮
兩字題名已鄰菊
可能籬下伴淵明

山丹

離離娜娜照庭除
弄影清光過雨餘
最是風人工體物

錦衣君子比顏如

山丹即花疏
所云渥丹也

鳳仙

淡暈精銀深纈紅
折枝漫自憶芳叢
畫師巧著芭蕉葉
何異喈喈下碧桐

雞冠

峩峩露夕與風晨
褒貶從他染翰賓
却憶荒村一聲唱
無端起舞范陽人

藍雀花

有身有尾有雙睛
翔向芳叢得少停
恰似昂然語絳幘
一般託蹟在禽經

石竹

娉娟小卉足清幽
張耒還思王子猷
世上寧無偽君子

底須責備草花流

老少年

是葉皆花古錦披老年貌勝少年姿又如疏傳歸東海
娛樂田廬中酒時

玉簪

墻陰砌角露華新琳質檀心淡有神設使漢宮臨曉鏡
祇宜持贈李夫人

秋葵

不共春華一例榮
有心惟解向陽傾
疾風勁草吟前句
始識秋葵善副名

紫薇

寓意得宜是畫家
向陽為伴亞瓶斜
千秋對者誰稱合
獨許香山不負花

錦葵

女夷遊戲賦芳非
四季流行一氣機
衛足設教相較量
此花曰具體而微

翠菊

蓓蕾初舒翡翠英，綠蕉葉襯似鋪瓊。
佛螺擬議非唐突，物物毘盧頂上行。

萬壽菊

黃金為瓣玉為叢，燭燭風蕭露泥中。
合向

萱階祝

萬壽由來正色一般同

蘭

墨蘭自是王孫法何必當秋不散芬獨植一盆應有意
可容凡卉與為羣

金盞

折來疑帶露滾滾盞是秋金色是黃鍾令昔稱善醒酒
一中之審又何妨

秋海棠

錯置寒英各有姿嬌紅偏覺態離披小名漫道稱呼舛
雅似花鈿委地時

丹桂

尋常只合中秋看每向臯塗覓早花

香山臯塗精舍有桂花七月即有早

開者却喜藝林真解事簪餅金粟換丹砂

翦紅紗

浣得溪紗重染朱剪來曾不費工夫曰名曰象憑人謂
試問羣芳自識無

夜雨

閏六月廿四日

入秋德為霖倏作倏復止將盼忽得逢於心寧不喜今

夜乃達晨轉復虞多矣設晴斯弗害密雲歷辰已慼慼
縈寸懷未卜農臧否詎予同衆見有憾無厭已衆情即
予田亦希盡善耳

喜晴

過午銅鳶轉金風西北來目隨晶日朗愁共絮雲開走
壁蝸涎繆出林蟬響厠所欣不害稼命勘近臣廻
以雨多或
成潦命御前侍衛往勘近畿回
奏低田尚不致為害為之稍慰

新秋玉泉山

秋月雖未臨秋令斯已報徹夜金風清凌晨露華耀批
答率已罷策騎一攬照匪直賞山光亦欲驗農樂昨來
皎日暴蘭蹊不泥淖稻田固蔚秀禾隴未致澇用是心
稍慰烟宮暢觀妙

清音齋

園內此齋古入門便得之鳴鞭不十里可以憩移時更
換肩輿進趁涼山逕披穹窿峯頂塔待我詠新詩

寄暢軒

山軒偶到闢雲關，暢好幽情寄此間。
名合秦園纔去聲

里，吾心塵乃遍區寰。

登玉泉山定光塔二十韻

窳堵玉峯頂，得高因迴宜。定光含舍利，法喜擁禪枝。仿

自金山寺

是塔肖金山寺塔為之

建，依鹿苑規報恩竟。空肖開化

亦奚為

於大西天曾仿江寧報恩寺萬壽山仿杭州開化寺皆欲建塔既而大西天者燬於火萬壽山

者又建而弗成故並罷之兼有誌過之什見前集

誌過題詩，彼落成瞻禮。茲是

中有深義，不可缺新詞。存小欲崇儉，不慳總屬施。佛寧

期壯麗我未詣希夷似此云可矣於焉一陟之七層盡
遙攬百級自卑移况值時晴快益欣秋爽披風隨進步
峭景逐縱觀彌造極真無比探奇又莫遺神臯厯赤縣
紫禁輦皇基襟帶河山壯共球鸛鰲馳民天惟稼穡治
鏡切疇咨詎可耽閒趣鎮窮暢覽思先憂饒後樂保泰
奉無私行漏鳴移晷歸輿下就達摘毫識歲月權當勒

豐碑

塔成未建碑
勒文故識之

麗矚軒小憩

七層穹塔自攀躋登罷聊來小憩兮此亦玉峯最高處
堵波相較又為低

法輪迴望白雲中一聽風鈴萬慮空過雨山楓迷徑綠
入秋巖卉耐時紅

秋曉登臨似去年清河遙見石槽連駕言巡狩仍由此
已覺先期興勃然

雲窻四面縱觀宜繡壤迴青寶露滋半歲一來片刻去
高軒笑我是何為

題宋人盆蘭

千葉各依根
百花不逞色
淨業乃其芬
淡懷乃其德
作者弗著名
是道非語默
不盡意已示
來遊衆香國

擷翠樓得句

碧邏青圍蔚
四山畫屏浮
動八窓間
短章自可當
長賦
消得樓中片
晌閒

再題玉泉山定光塔

新晴利穡良
欣懷玉泉秋
曉重遊來窳
堵初落成宜
望

白玉千尺玲瓏堆山頭八方入遙目極頂自更延遠矚
却為前茲造上層不必重登意已足茲非茲詎前非前
意同目異半與全塔影風鈴幻聲色空諸所有皈青蓮
白雲一縷生足底似是天龍聞法喜淨緣綴景則不無
而我覺未安於此

憩妙香室

古華嚴寺側靜室樸無文步倦於焉憩心清或得聞

用杜

甫詩

青蓮惟淨業優鉢散奇芬適自堵波下迴瞻隱白

雲

影湖樓

邇年開水田漸多或虞水不足故於玉泉山靜明園外接拓一湖俾蓄水上游以資灌注湖之中築樓五楹惟舟可通適因落成名之曰影湖而繫以詩

靈源蓄水拓池寬灌輸

去聲

期資稼穡艱樓據湖心攬湖

外客惟舟往亦舟還會心表裏神明鏡動影虛無窈窕

間快雨更欣逢快霽偷閒於此一開顏

陶尊

有虞合土貴質淳冬官埏埴司陶人不鬲不甌見此尊
入土出土幾千春爛斑青綠周身皺光匪外發內蘊真
乍視夏鼎商彝存撫之體輕堅逾珉其響清越如泗濱
乃悟陶器成神甄苦窳髻壘非所論燥濕弗受剝弗損
叶使我慕古輕華珍穆然若見封垂倫允宜衢設惠萬

民

題金廷標人物

蹇驢怯渡蹲跢跢奴子長縵儘力牽騎者鞭毆復懷懼
旅情一段畢神傳

恭奉

皇太后幸避暑山莊曉秋啟駕

秋蒐武緯亦文經例事山莊數日停玉露金風排法駕
千秋萬歲奉

慈寧

諸部行將奉屬車巖關古北是門閭朝家武備超千古
顧語兒孫慎守諸

芄芃禾黍遍原田轉歎希豐實賴

天兩月景光異爾許向來曾未敢期然

載觀寶穡可望登秋迴憶望雲慰悚并集言之不
足更成是篇

夏至過無雨旱太甚常年勞苦實乏術用敢呼籲

天甘霖乃大霈自近達遠阡屈指兩月內景槩又異前

虞潦冀再霽情懷屢變遷行時駕啟蹕乃歷觀大田早
種已吐穗遲種亦蔚然百分中之一下隰實勞焉亦復
為之惜尋思安得全設旱再五日赤地千里綿此懼可
迴思此慰益勉旃

密雲行

京北重鎮稱密雲巖城埤堦新舊鄰控制三邊列櫜戟
勝國曾此屯萬軍兩山寺塔節瑤建南者已頽北猶存
靡餉士不得實用剝民奉已祈佛恩爾輩富貴亦何在

空令過客興慨論
白河流西潮河左
徒觀形勝誠復可
由來在德語不刊
詎誇扼險牢關鎖
即今大宛為荒服
木蘭近園來往熟
築隄障水惟利民
康熙年間事
我每經行
緬

聖躅得勢不事守
有餘失勢竭力守
不足勢匪地利實
人和敬已勤民籲

天福

哈什哈爾回衆投誠詩以紀事

今春圍解黑水營

黑水即喀喇烏蘇地近葉爾奇木去冬將軍兆惠等築壘固守處也

全

師迴阿克蘇城賊不敢遮亦不綴彼力創竭足堪徵北

塞調馬往二萬益以索倫之勁兵以布易回粟供餉人回

以布為珍用兵駐阿克蘇時命轉餉者運以易粟膳軍省費三十餘萬復勅內部就產布各省採解不以煩甘

涼以被災故也數月休息胥飽騰整師兩路一時進殲渠務使

回衆寧

回酋兄弟分處兩城枝梧策應命將軍兆惠等由烏什往哈什哈爾富德等由和闐往葉爾奇

木帥兵同時並進令其首尾不救以期俘獲

屈指此際歷賊境又盼佳信夙

夜縈朝來驛致將軍奏兆惠報回衆投誠拆封披摺一

詳覽歷歷都悉軍前情進至伊克斯哈拉

地名將軍兆惠進兵攻哈

什哈爾閏六月初

前隊中夜聞人行

叅贊公明瑞於前隊畧地夜聞人騎

三日行至此地

進圍蹴之詢得哈什哈爾回人和濟默爾等六人同聲納降云云

奮勇圍捉喊勿殺是

投誠者來相迎久慕歸順大皇帝奈脅霍集占弟兄大

和卓木今肆掠想同伊弟潛逃生舊伯克等差我輩願

師速往揚威聲馬驢牛羊被擄去欲追擒彼嗟無能懇

籲將軍早赴援庶和卓木未遠征兆惠悉此率兵進通

信富德同謀乘

來降回衆云其屬方分投兩路軍門時兆惠聞信即移知富德軍以便協謀乘

勢進

相機持重慮賊詐

兆惠奏言回人情詞雖無可疑而受降如受敵兩軍並加意慎

重以防詭計

甚協機宜

更慰萬里繫念怦四大回城三已得

哈什爾

為逆酋大和卓木窟穴其城更大於先得之烏什阿

克蘇二城今已欽降所餘僅葉爾奇木一大城矣

魂釜底焉支撐斷其左臂固美事不無少恨煩懷仍使

波羅泥都

大和卓木名也

就獲以之餌彼弟或聽乃先兵至早

跳去復需時日勞軍偵二魁俘虜靖遐壤靜俟

天佑歌武成

詠玉韞

廉貞質資古溫潤製依今

今之玉韞製於古畧異而閨體鈎弦為得力適復古玉軸

頭因改琢之

閨體恒隨手剖微在正心藝惟重繩武志詎為

從禽三復車攻什淺言義寓深

熱

秋熱今年長處暑暑未退設以過閏計七月應近晦於
何尚炎燠此理殊可會種遲苗芄茁西成庶企屆鬱蒸
乃秀實斯熱

天庥大惟是恐致霖下隰虞為害况值秋獮時適將臨

玉塞僕從豈無勞白汗揮行邁頓涼我所懼恐致九仞
敗熱亦我所願獨慮滋霪霽行旅及低田雨實不堪再
展轉難為情誰知巡幸快

夜雨

七月初五日

立秋不雨懼為霖

見前詩

霪霽連宵果見今已慮低田澇

晚稼兼憐行旅濕衣襟近山雷礮

上聲

誰能寐漲峽溪洪

或致侵

秋時野宿宜於高阜張幕不
知者夜雨溪勃或致為患

亟望明朝放晴好

風吹西北散層陰

密雲縣行宮對雨

夜雨通達曙野橋定漲津傳宣教駐蹕偃仰對蕭晨未
見雲生縫生憎山隱皺行宮難宴息漸石厓多人

曉晴啟蹕

龍公悔禍殢雨收相風西北來颼颼倦雲片片去如流
潦水盡而分路郵阪涉以已先衆儔習勞小試防惰偷
文恬武嬉非善謀更堪慰者農功諏野水就下道為溝
實不害稼歷覽周喜出望外人知不穡事最要次乃蒐

出古北口

前朝霖雨潮河漲浮橋促就待馬上輜重一一命徐渡
爭進擁擠反無當巡狩從來寓習軍何妨小試善將將
塞關歲歲常經過居民識熟無煩訶關外輿梁駕未得
避潦有路遵巖阿塞田不與內地同最慮山水當其衝
低梁高黍芑芑山水驟過沙塵蓬一隅亦塵災民窮
惟祈九寓均歌豐

塞田

塞田每致佳今歲實望外夏至過無雨跼蹐不可待

叶

孰謂迴

天佑甘霖乃大沛駕言自京畿農功觀一帶兩種都茂

秀關外較尤最獨是谿勃漲間

去聲

頗致為害大體縱無

妨一夫彼何賴得之已不易失之惜應倍

叶

莫非祈年

憂豈識行秋快

副將軍富德奏報小和卓木霍集占亦望風先逃

葉爾奇木回衆投誠擬平定回部凱歌十首

伊犁平定擬功成熟謂狂回乃背盟師直從來荷

天佑詎予本意好佳兵

偏師護衛入回城

逆酋大小和卓木為準噶爾拘禁日久我師既定伊犁乃出諸繫中遣兵

送大和卓木歸舊部時葉爾奇木哈什哈爾城中伯克不容大和卓木進城賴我師之力攻克其城大和卓木乃能復統其衆

反面樓蘭太寡情用是再勤將與卒亦惟誅彼

弟和兄

庫車去歲事竣巡不戰不追免脫身

初雅爾哈善方領重兵圍庫車城而

小和卓木旋入旋出竟付諸不問自以坐得空城即可報命老師縱賊至今實貽養癰之害

設使就

擒早偃武至今猶恨債轅人

阿蘇

即阿克蘇也克字從上阿急呼之原成二字

烏什遁投降直進原期速

定駝

去冬將軍兆惠率師徑薄葉爾奇木城難以再定伊犁招降布魯特周行萬餘里道遠馬乏猝爾被

遮然其時適當諸回城望風獻款因乘勢直前速期綏靖非輕進也

萬里周行強弩末將

軍猶是氣如杠

二千餘人守三月逆猢數萬不能攻援軍催進全師出

命副將軍富德等統兵往援轉戰三晝夜我師全軍拔壘而還以少當衆且固守淹時而整暇如故洵有

神助
實賴

鴻禧益惕衷

整軍三路進攻齊早慮同逃不暇齎

將軍兆惠富德議分兵往定兩城朕

以二酋勢威或棄其人畜輜重而遁屢命將軍等熟籌詳計以偏師遮其要路周防潛窺

喀什哈爾

平聲纔納欵葉爾

平聲奇木又來溪

自古火州傳不雨纏頭驚訝雨隨軍驛致佳音感

乾賦

吐魯番闢展及葉爾奇木哈什哈爾一帶素少雨澤今大兵所過甘肅應時回衆絡繹來降者無不

詭為神異降夷日日出千羣

可知化外有同心簞食壺漿獻致欽

將軍等奏降人爭持餽糧羊酒惟遜

營門具見忱悃便爾先逃更何往前途遮獲定成擒

時兆惠富德方撫定

兩城之衆尅日進軍而叅贊公明瑞等一面往蹕賊踪期必俘獲

窮回歸化即吾民安集勞徠命蓋臣

兩城回衆本為逆渠所脅非自甘抗

拒者今既不肯從亡且迎降恐後因諭將軍等加意拊循以示無外檢校漢唐西域傳可能到此事傳真

安集延將拔達山

軍中偵知二酋先期通好拔達山伯克將欲往投又以賊黨願赴安集延

持議未決然於彼於此皆屬回地可以尺組繫也

豈能自外八鴻間行看往遺

去聲來俘獻兵氣全銷唱凱還

灤陽別墅

秋巡今復到灤陽
潦水澄鮮可渡航
幾架書齋待留憩
四圍山色是真常
儻來何必亟言去
婪熱堪憐漫趁涼
著壁新題連舊什
獨於斯也未能忘

登小金山

嘗聞天地間
物必有對待
金山峙揚子
小者於斯在
棗葉及須彌
一真空性海
翻覆手掌耳
名象宛誰宰
忘言遊希夷
放步登紫巖



御製詩二集卷八十八

欽定四庫全書

集部

御製詩二集卷

八十九
九十

詳校官尚書臣德保

助教臣常循覆勘

總校官原任中允臣王燕緒

校對官中書臣王彞憲

謄錄監生臣李維翰

欽定四庫全書

御製詩二集卷八十九

古今體八十一首

己卯七

恭奉

皇太后駐蹕避暑山莊

山莊避暑建

堯年每至山莊暑已蠲却是秋來尚婪熱要知

天佑為遲田

今年得雨夏至後佈種甚遲常虞節涼霜早乃今秋炎熱異常禾黍得以實堅實好

誠感造餅幪之賜

大

率欣即景輒揆筆可緩行蒐慢著鞭

過閏節早

原擬七月過望即往木蘭行圍茲以焚
熱鹿未呦鳴故改期仍過八月望啟行

色養

武繩莫非事敢因遊豫弛乾乾

永佑寺瞻禮

皇祖神御感成長句

靈臺經始庶民政逐處

奎章仰

聖蹤

神御肇裡思

所喜

祖恩如昨報何從
恬文嬉武戒常凜
揚

烈覲光志益恭三十七年春鼓夢涼風白日感重重

瑩心堂

秋湖四面古堂深

寶額雲楣號瑩心
政本不惟操治鏡
理源兼可滌塵襟

波涵玳箔虛無色風入霞衣萃蔡音

臨董書看原勝董

堂中筆臨董書

皇祖御猶存

敬思

當日惜分陰

荷

關中房墜粉塞外錦舒芳祇以寒開晚翻教時耐長怡

如君子德緣託

聖人鄉竟谷香風馥含毫意未央

峽琴軒

流水風松靜與皆嶧桐不操八音諧西山爽氣正當戶
東沼初陽又上階每憶

虞絃歌復旦寧誇陶壁傲無懷懋勤慣是能供奉江硯
宣毫率已排

靜寄山房

碧草白沙步野塘槐陰還有讀書堂人生而靜天之性
山古以深日亦長那慕仝僑學仙術惟希周孔養心方
睿題咀嚼義彌永縱覺瞠乎敢不覆

錢穀秋林讀書圖

氣爽雲閒今古情
匡牀擁膝有書橫
揣摩更待賦成日
宋玉應教畏後生

觀瀑

非聲亦非色
宜視復宜聽
一道界開白
兩峯相對青
巖崖猶磊落
滙浦自清泠
何異臨川上

堯思即孔庭

題澄觀齋

面勢得巖齋曠朗宜延佇雲山叅動靜圖書鑑今古六
情不期澄於何識茹吐著句亦偶然聊因壁空去聲補

巢翠亭

灌木嘉陰翠尚濃虛亭聊且失千峯前年惜翠心何似

丁丑詠此亭有漫道秋風紛
葉落檐間意足翠陰留之句

流水行雲勒壁踪

熱

十日前關內徬徨畏炎熇蒸雲懼為霖更慮暘輿僕五
日前關外曉寒峭巖谷長此將早霜禾黍尚芄綠即今

晴已定况復駐靈囿轉燠審無妨晶陽喜高暴絮衣脫
換紗叢樾爽風逐今秋已過閏情知涼應速此熱實利
稼秀實催嘉穀靈臺非舛測農扈有厚福何莫非

天賜為民額手祝

滄浪嶼

玲瓏壁罨窓淡沲池繞砌垂手可濯清舉目惟延翠空
澄含峭嶠淺會皆神詣造物獨鍾秀於何勞位置縹緗
展往訓自取慎所事

知魚磯

古樹兩株水一溪
遊鱗潛躍任天倪
底須博辯誰知者
了識蒙莊未物齊

泛月三首

山古湖寬列仙地
氣澄雲歛好秋時
御園漫惜啟蹕早
塞苑端欣泛舸宜

野湖傍晚十分涼
執事傳宣換絮裳
何不言旋歸遽宇
愛他蕭景引懷長

滿目冰光滿意清前年佳趣記分明

甲戌曾此泛月

笑他痴美

廣寒者未識人間有玉京

素尚齋

太古山中室高秋時節天有懷惟淡泊無物不神仙
候暖林猶翠露繁花益鮮却嗤芥蒂者動說俗塵蠲

永恬居

地僻山深未可耽君師責重一身兼簷端

寶訓分明示寰海蒼生要引恬

賦得清溪遠流

一水帶千澗，千峯卷一房。
自然含動靜，即此示真常。
源溯白雲迴，流歸碧海長。
惟應學子在，不必問仙鄉。

中元夕放河燈

過閨節，占白露，早便教塞館度。
中元却因少見，翻如朔底，識推遷不者存。
夜浦愛看分芰炬，野塘亦自有蘭盆。
金仙無物不超度，何事林間鹿避喧。

春好軒

地是恒春地莊原無暑莊仙林萬古秀真卉四時芳送
語禽如識躍潛魚不忙文窓虛且靜敲句坐因長

題千尺雪

底誇薊北更吳中塞苑為家西苑同四卷畫圖一時賞
無過佳話付秋風

雲外來源遙且迴槩之千尺例諸方侶魚鰕復友麋鹿
須識此間是所長

越中陶器惟茲合惠上筠鑪到處存即景浮香一評古

君謨茶諫有名言

登四面雲山亭子作歌

亭子諸峯最高處以不常來如始遇秋風策騎一遨遊
巖樹澗葩皆興助金山西北黑山東天橋對面當亭中
我欲因之詣彼岸佺僑之輩其相逢佺僑仙術無濟世
寄意則可難從事黍原蕎嶽皆本圖外靖內安尋至計
煌煌聖藻石屏懸齊年却識辛卯年迴思承訓

御座前敢不懽乎佛時肩

題張子政秋荷雙鳥圖

霞殘荷衣沉露冷蓮房老鳥啄子背飛為恐其他曉

讀王徽之傳偶題

晉室清談實妨政不知馬數詡崇情會稽當與牛羊長
孔子猶然素位行

招涼榭

地近西山得陰早秋來婪熱藉招涼詎因颯爽清煩慮
却幸西成候正長

翠雲巖

絕壁崔巍實壯哉
清秋又此索吟來
若無雲氣為浮盪
安識剛柔萬變賅

待月西峯復下登舟賞玩

山莊泛月偶一逢
况值新秋清且美
過望而復蔽東嶺
白傳詩中悟其理
急則計生因尋山
敵則氣作且置水
跋馬西峯最高處
下視東嶺乃眼底
不踰時尚未黃昏
東海湧出銀盤子
大千世界一廣寒
棗葉須彌難比擬

徐徐策騎下崇椒月隨我共登舟矣謝家高致昔留詩
別開生面惟予始設云卿士在箕疇旁求若濟亦將企

綺望樓

樓登綺望一憑看錦繡原非纂組觀雖乏桑麻富禾黍

塞外非有蠶之地桑
麻女紅勢不可言

求衣於食又何難

望鍾峯作歌

晚熱寧不欲尋涼心中却幸農夫慶肩輿西嶺上絕頂
鍾峯東望遙相當天風吹寒颯衣袂攀陟雖炎爽此際

乃知得逸恒於勞玉柱亭亭況佳致亭亭玉柱幾千秋
風月與侶鹿豕儔而今遍野田廬稠亦復臺榭供清遊
古人曾經到此不鍾峯笑道非所求

題金廷標四皓圖

深山大澤擬商賢四老婆娑杖履閒何必磻溪心迹愧

反司空圖詩意

從朝也未忘人間

詠唐時回銅器

有序

山莊舊藏古銅器一似豆而短足初以為三代青

綠耳迫視之形不饗饗銘不乙丁金銀錯其文則
似回字令吐魯番哈密回子等識之惟識噶愛兩
字其餘皆不辨蓋彼經文亦有今古之異人不能
盡曉也嘗考回鶻唐時始通中國史稱其先匈奴
匈奴與今之蒙古相類則回回並非蒙古且殊教
也元史始有回回國之名或稱其為大食國種大
食在西域此稍近之明邱濬以為陳隋間始入中
國在在有之在在有之者亦云其繁滋漢土者耳

其的派固不離西域也今平定葉爾奇木哈什哈爾此實開闢以來不異之回地回人若布魯特若哈薩克皆其蔓延繁滋或雜蒙古種者有之若唐史回鶻傳所稱善騎射喜盜鈔者實近厄魯特之習而非回人所能徒以回鶻音近回回因屬之纏頭之類耳究之耳食舌傳魚魯千里將以餘暇博考此姑俟之所喜者適獲此器於平定回城之時藏厥渠魁繫以白練兆在斯乎兆在斯乎故從而

為之辭

不是辛尊與啟匱考時應入李唐時纏頭回鶻人斯用
餵肉葡萄宮所遺噶

讀作平聲

愛旁行粗可識冰斯古籀豈

咸知遷其重器茲先兆佇待俘來罷遠師

午暄

邇來候轉炎山雨昨夜洗驅盡婪尾熱峭涼侵袂矣予
心望晚稼未可便長此午暄暴晶陽華黍風尤美如是
期十日黃雲庶可擬

射

巡狩寧稽除授官門前次第引來看隨材簡職仍餘暇
以已先人與衆觀弓燥手柔秋正好侯空鵠揭月輸團

鄭司農云方十尺曰侯四尺曰鵠如是則宜其百發百
中矣今所謂把子者高四尺寬一尺以之試箭若鵠則
周圓僅止一尺而五層其中的則徑寸耳以之試鵠頭
所謂侯者方不過六尺空其中以懸鵠俗謂之擋子者
也或中鵠或矢出其空處
尚可若中擋子反有罰矣
髻齡迴憶原茲地屢中親承

仁祖歡
康熙六十一年子年十二
皇祖臨門引見
罷輒常裳
命試射以示扈駕諸臣時曾屢

中每承
天語褒嘉迴
恩卅七年事如在目前

清舒山館

蘭露杉風又一時
芸窓斐几小宜之
似茲山館寧當負
每至清舒例有詩
水繞階前定無滓
節臨秋仲若為遲
舊題新什相聯續
境詣如何藉自知

瀑源

瀑簾常目前
瀑源久心孔
曾須一窮探
散步循龍從
石
棧左右移木
杓鎖其隴
如此經千曲
上皆翠雲籠
叶
疏
隙時見天
坐井觀同
叟岬岬平
轉遂推萎
擴復攏歷
爾

許叛見乃得天池滄鍾乳出縫罅棘蔓或闕壅關焉稍
疏治放乎流鹽洶掃苔坐俯澄弄影浮雲動乃悟地中
行自下視如聳居高詎忘卑獲奇在賈勇香鑪三千尺
亦自足底湧

軍書

軍書清曉到兩回城已定

葉爾奇木哈什哈爾兩大城其兩城所屬小城更以十數

計皆已傳

賦役及建置惟將軍所令

將軍兆惠等既收撫回中諸城請酌

撤而定

定賦役視噶爾丹策凌時徵取之數分別蠲減有差并
定錢制廣圓銖兩正面用天朝年號而以城名回字附

之於背其建置官屬自三品至五六品詳系職掌名目則各練其舊俱降旨如所請行

逋逃雖有

挈捨而來相迎詢以所去方乃無可投境

叶軍中得回人詳訊逆

賊潛逃踪跡云初議投安集延既懼為布魯特劫畧既又得援達山伯克回信以往投人衆其地必不能容二酋不得已暫匿附近之塔茲噶地方或就彼竄入塞爾古爾土城苟延殘喘計大兵一經圍壓可以立就俘獲矣

邏騎遮其前大軍遂以競此舉或成禽載戢載索詠佳兵詎得已討逆惟義勝藉衆集大勲盟獨欽

天命

固濟爾巴圖魯瑞綽爾圖盡節詩

瑞綽爾圖者索倫侍衛員曾以血戰功因賜號旌賢

瑞綽

爾圖於乾隆二十一年冬隨大兵進勦阿睦爾撒納與哈薩克力戰有功特賜是號固濟爾何謂

敢勇能摧堅亦云其勇耳大節乃炳然兆惠定回城

哈什

哈爾驛章一一宣云有瑪穆特被回擄去年其人厄魯特

隨軍廝役焉將軍遣偵騎彼亦隨往旃

時將軍遣散秩大臣達什策楞

及瑞綽爾圖莫寧察岱屯等率兵百人前行捉生口瑪穆特莫寧察廝養也忽被賊回遮衆

寡敵實難矢盡守空屋奮突揮以拳莫寧察戰沒岱屯

命亦捐瑞綽爾圖在傷重飲劍艱猝被生縛去至霍集

占前卓立唾賊罵裂髻髮衝冠巴圖魯侍衛豈懼爾狂
狔天兵今少至數萬繼進連以千敵爾萬汝滅踵不旋
霍集占乃怒持刀向頸刺其達什策凌同時遭繫牽霍
集占忿詈爾厄魯特人叶脣齒應相依何受中國官鐵
鈎鈎四肢其死最可憐是皆所親見飾語敢取愆徒以
無足數旦夕命苟延渠逃定回城乃復得見天兆惠聞
此語既悅繼涕連悅以我有人涕以已所遣叶據實歷
詳陳痛淚不忍看心與帥臣同恩加寧惜駢瑞綽爾圖
等前已有

許叛見乃得天池滄鍾乳出縫罅棘蔓或闕壅關焉稍
疏治放乎流益洶掃苔坐俯澄弄影浮雲動乃悟地中
行自下視如聳居高詎忘卑獲奇在賈勇香鑪三千尺
亦自足底湧

軍書

軍書清曉到兩回城已定

葉爾奇木哈什哈爾兩大城其兩城所屬小城更以十數

計皆已傳

賦役及建置惟將軍所令

將軍兆惠等既收撫回中諸城請酌

徵而定

定賦役視噶爾丹策凌時徵取之數分別蠲減有差并
定錢制廣圓銖兩正面用天朝年號而以城名回字附

之於背其建置官屬自三品至五六品詳系職掌名目則各緣其舊俱降旨如所請行

逋逃雖有

挈捨而來相迎詢以所去方乃無可投境

叶軍中得回人詳訊逆

賊潛逃踪跡云初議投安集延既懼為布魯特劫畧既又得拔達山伯克回信以往投人衆其地必不能容二酋不得已暫匿附近之塔益鳴地方或就彼竄入塞爾古爾土城苟延殘喘計大兵一經圍壓可以立就俘獲矣

邏騎遮其前大軍遂以競此舉或成禽載戢載橐詠佳兵詎得已討逆惟義勝藉衆集大勲盟獨欽

天命

固濟爾巴圖魯瑞綽爾圖盡節詩

瑞綽爾圖者索倫侍衛員曾以血戰功因賜號旌賢

瑞綽

爾圖於乾隆二十一年冬隨大兵進勦阿睦爾撒納與哈薩克力戰有功特賜是號固濟爾何謂

敢勇能摧堅亦云其勇耳大節乃炳然兆惠定回城

哈什

哈爾驛章一一宣云有瑪穆特被回擄去年其人厄魯特

隨軍廝役焉將軍遣偵騎彼亦隨往旃

時將軍遣散秩大臣達什策楞

及瑞綽爾圖莫寧察岱屯等率兵百人前行捉生口瑪穆特莫寧察廝養也忽被賊回遮衆

寡敵實難矢盡守空屋奮突揮以拳莫寧察戰沒岱屯

命亦捐瑞綽爾圖在傷重飲劍艱猝被生縛去至霍集

占前卓立唾賊罵裂髻髮衝冠巴圖魯侍衛豈懼爾狂
狔天兵今少至數萬繼進連以千敵爾萬汝滅踵不旋
霍集占乃怒持刀向頸刺其達什策凌同時遭繫牽霍
集占忿詈爾厄魯特人叶脣齒應相依何受中國官鐵
鈎鈎四肢其死最可憐是皆所親見飾語敢取愆徒以
無足數旦夕命苟延渠逃定回城乃復得見天兆惠聞
此語既悅繼涕連悅以我有人涕以已所遣叶據實歷
詳陳痛淚不忍看心與帥臣同恩加寧惜駢瑞綽爾圖
等前已有

有神富德自和闐重至黑水津葉爾奇木降諸事粗處
分痛念我將士沙場化為燐黃頭雖不備掩骼權為墳
猿鶴昔屬幻邱隴今可循因以此事奏西望揮淚頻豐
碑旌墓門千秋西海垠捐軀固臣節在爾非所論在予
則何忍此恨終當伸夷考六人蹟事異心同均與國休
戚共寧止曰蓋臣史筆多訛傳永言傳其真

和闐玉

和闐昔于闐出玉素所稱不知何以出今乃悉情形石

蘊山含輝耳食傳書生其實產於水在石亦浪名未治
斯為璞卞和識其精設云隔石識怪幻乃不經回域定
全部和闐駐我兵其河人常至隨取皆瑤瓊驛致貢天
閭瑟若孚勝呈瓌寶固匪求方物亦可聽在彼乃恒有
何關王道貞璠璣云於魯珎珎云於荆今何不見出紀
載誰果誠博物折中理祛惑期可徵永言識顛末詎貴
摘詞英

普寧寺觀佛事

蒙古等皆敬宗喀巴黃教故於山莊之北建此梵刹聚黃衣者流而唸梵唄且達什達瓦餘衆歸降者嚮風慕化咸使安居樂業茲令演步踏法事俾衆觀之並成是什

塞垣筏寶煥林珠大聚衣黃偏袒徒宗喀巴傳慧燈耀
三摩耶式梵宮圖

是寺肖西藏三摩耶寺為之

象龍步踏惟天力老

幼駢觀與衆娛神道何妨權設教若論佛法本來無

題卷畫窓

高處霞標小憩居
鍾峯列水俯臨餘
幾櫺紗牖誰為畫
十笏山房恰受虛
生色丹青是楓櫺
有情活潑在禽魚
賦詩何必多思歇
其奈當前每起予

霞標

雲窓攬鏡中
月宇駐依空
得趣真無比
澄觀復不窮
屏山遙拱北
帶水俯臨東
孫綽天台賦
我心先獲同

賜明瑞

有序

叅贊大臣毅勇公明瑞以逆酋大小和卓未望風

先遁率前鋒銳卒往遮而賊徇間道通信逆酋遂
兼程走明瑞追及之於霍斯庫魯克以遠馳之旅
摧拒險之徒銜枚列隊者甫九百人鳴哨據梁者
且六千指而能折負隅之勢揚卷箠之風轉戰三
時辟易百里擒生斬級輜重畢收而將軍富德等
亦以兩城既定統師會勦逆豎計日可擒非其志
秉忠誠曷以功隆摧陷雖古名將孰克方茲爰賜
是詩以彰其績

世胄更勲戚少年能老成從軍俾習事屢戰得英聲適
以狂狙遁因將勁旅征欲遮先信漏不捨竟踪橫地利
彼雖擅人和我實勍騎惟九百到賊乃數千迎少卒勝
其衆勇還濟以誠勗哉俘二豎衛霍遜功名

王維烈芙蓉秋鴨

霜寒北漠鴨南迴幾朵芙蓉貼水開正是山莊秋半景
畫家那得見茲來

桂六首

秋暖勝去年桂花開却早

去歲山莊以秋暖桂花未開即啟蹕往木蘭

臯塗

真有神應節從吾好

叶

不可更孤負色香靜且娟一晌含毫對流陰霎兩年

花既有君子樹豈無金仙舉手向空宇新蟾銀漢邊

滿院甜香噴坐久却淡如會心不在遠似與善人居

紗窻多護惜甕盆亦貼妥若從聞思修堪證菩提果

本是江南樹揚猗塞北山何物不可致人材較却艱

金廷標懸崖採芝圖

俯澗地仙矐似鶴援藤童子捷於猿金枝朶朶那堪採
迴首遙須問一言

聞京師得雨誌事

去歲山莊遙盼澤

去歲秋旱關內關外無不望雨

今年京縣渥霑膏此

間不雨熟已定

關外雨則氣寒早霜茲不雨實為宜也

彼處即晴惠正叨

京兆奏至雨後即晴甚叶農候云

內外黔黎均意厯艱難稼穡為心勞

候暄程改駐清蹕

本擬七月十六日啟蹕往木蘭以候暖鹿未哨移於中秋後起程

消

得林泉興一陶

新月

一搗爛銀鈎可望不可揣
堅欲玉尺量却入西林裏
漢邊斂雲片庭前舒桂莖
情知中秋遙珍惜早爾爾全體
本無虧示冲有如此

王炳山水

落落盤盤蔚萬松
翠微深處有雲封
石灘迸水來何自
惟見半天垂白龍

寧靜齋

窓入萬螺青階臨一鏡
淳心倪叅有象道籥契無形
水動山惟靜天清地亦寧
武侯示微旨可以註義經

嘉樹軒

建木非南北大椿是弟兄
就陰軒舛造擷秀句因成
朔地自今古塞天忘槁榮
輪困覺私幸未冒漢唐名

涼

半夜西風曉驟寒
數聲霜信度雲端
前朝跋馬看山稼
逮熟無妨意為寬

元人鳩雀圖

瓦雀棲花樹錦鳩傍水石託體雖不同意各適其適

冷香亭

潦水寒潭蘆荻蒼汀沙白露欲為霜晚荷幾朵支歌影
風韻今朝挹冷香

臨芳墅

別墅水之涯清華復靜美團團榆槐陰羅羅花藥莖偶
憩如久居心恒不離此不離此緣何簷額揭妙旨

對時育物心

翥鳳飛龍體

晚荷

芳收岸蓼與汀蘋
淨植依然武列濱
何必奪朱不君子
可知衣紫亦山人

山田

山田已報熟農父
事腰鎌願遂汙邪
滿利遺穰穗兼便
霜信何礙卒歲為
欣占薄賦還逢稔
閭閻氣自恬

尋鹿六韻

園內富麋鹿尋踪遵蹠達步行常十里手銃那雙施

一鎗

即中不須再也

大澤深山處習勞奮武為无虞自可耳同往且

卑之所有戒多取

原係園中育物亦不多傷物命也

圖餐豈藉斯繩

先具深義樂此不為疲

即事

南省春花好畧旱夏即霑北省旱原甚需澤收倍兼甘
肅乃太遲無濟愁為去聲添是惟優加賑庶稍救閭閻邇

聞衛水漲洪流潰運漸景州路為阻低田定致淹吁哉
被災民美中不足占叮嚀彼大吏毋為諱飾談求全遺
向隅溝壑其何堪念茲還在茲廿四年凜監

錦樹三首

初來濃綠尚緝紛逾月棲遲秋已分舉目連林試騁望
新紅幾點又堪欣

含暉爛爛復飛飛
韞韞玫瑰是也非
林下塵塵忽行過
錦張天鹿出唐機

已看颯沓未槎枒一嶺遙
峯亂晚霞特是山靈能解事
設來孤注鬪春華

含粹齋

登山汗不揮為是候涼爽
巖齋底須多三間含萬象
颯景信純粹妙理得俯仰
設無秋為斂豈鎮夏而長
五言

誌會心

兩字生企想

吟紅榭

霜蹊風谷薄人寒散步崎嶇出衆攢纔到山齋便得句
為他入牖幾枝丹

即目

即目真情體物知鶴糧或竊鶴啼饑青田誰為供芻粟
可使由之意若斯

中秋帖子詞九疊前韻

有序

晶盤瑩采九十平分金粟馥香三千徧滿寄崇情
於玉塞延麗矚乎雲莊原夫閨律暑遲田畯佇登

禾之喜邊垣秋晚虞人需戒道之期看來鶴鹿皆

馴

祖澤常懷

文囿聽去笙璫並韻

慈顏近侍

瑤池重隄曲水杯流虛白毫光和寶刹浮圖互映半壁

高峯鍾照空青黛色與降菴列帳交縈遼哉萬里

同晴關外懽聲傳擫篴捷矣百城俱下湟中勁響

應宣饒想一軍振槁先登快甚吳剛斧琢知二豎
擒生立致迅逾博望槎迴既開桂殿長筵將啟蘅
臯清蹕紀旋鑣之盛事合勝停鑣賡秋帖之新裁
宜過春帖曩者四篇製就固已都捐霓羽靡詞茲
焉九疊吟成庶幾共叶莖韶雅奏云爾

勝地良辰可放閒攜來詩稿自刊刪開編恰是中秋帖
即事重吟玉塞山

朗照寧分中外光揮毫墨染桂花香興州景詠纔四度

合京師木蘭諸處九疊前詞
於山莊已為四度帖子矣

西極功成逮一匡

洗洗猶有逐回師獲醜佇成奏凱詩雖共儒臣賞佳節

厯懷遙在察汗池

二酋逃往之地

欲招東魄上西樓略覺山寒不礙秋風月宜人賡九疊
光陰瞥眼憶從頭

中秋日侍

皇太后宴

獻

壽東朝祝南極承

歡北塞擬西池以天下

養樂莫大值秋月佳景更奇動桂浮蘭彼徒爾慶霄綺
節此為宜由來

家法貽千禩松鶴延齡

昔有詩

三十六景中松鶴清越乃

皇

祖奉養寧壽宮

皇太后處也

月兔

月中玉兔日金雞卯位東方酉位西綜錯陰陽交離坎

張衡靈憲豈無稽

登樓

餘閒聊爾試登樓近遠山田報有秋
一月幾迴開口笑萬幾無間悉心籌
鍾峯早上團團魄列水寧殊今古流
此夕此時祇宜樂為懷西旅却增愁

副將軍富德等追及兩和卓木大勝回軍捷音至
作歌紀事

慶霄對月方開筵將軍捷報驛騎傳
擘囊展書歷歷閱

額手慶慰衷心憐憐者我衆實奮力慰者可護惟賴

天萬有餘里所致馬

軍營解馬自內地至肅州遠者已四五百里其自肅州至察汗烏蘇

又萬餘里而山間繞道崎嶇屢經戈壁均未得飲秣稍休

又踰戈壁無水泉裹糧追

賊幸尾及彼逃乃在廿日前

逆酋兩和卓木警我軍威於大兵未至葉爾奇木哈

什哈爾二十日之

明瑞先已折其角未經大創猶抗顏

前已離巢遠竄

先是叅贊公明瑞襲賊於霍斯庫魯克嶺轉戰三時擒斬賊衆甚夥乘勝追擊軍聲大振會日晚我兵馬力不及賊復以其殘衆竄去

阿爾楚爾列賊衆避其輜重伏據山輕舉

墮術在所戒集思持重勝算先

時逆酋方設伏於兩山峯頂少遣賊人迎誘我

兵欲逞其狡計副將軍富德知之與叅贊大臣等集議營陣攻取不恃勇輕進偏伍彌縫密佈

置發縱指使皆英賢

副將軍富德與霍集斯等統中軍令叅贊公明瑞阿桂等領左翼叅

贊阿里衮巴祿等領右翼翼之中各分前中後隊又益以奇兵援兵隊各為二別遣巴圖魯侍衛額爾登額等分率巴圖魯兵二隊備四面應援而領隊齊凌扎布為殿軍將卒如臂指相維佈置實當諸大臣均

予心膺巴圖魯侍衛比肩夙所教養共休戚敵愾兼逮

輿儻焉

是役雖僕隸無不共奮義勇

同心戮力功克就二豎鼠竄圖

苟延戰罷檢閱傷一卒殲彼計級乃盈千師難到葉爾

奇木況過數千里行遄以少勝衆剪賊黨

明瑞既以前鋒九百擊敗

賊衆六千茲役也我兵馬步統計不過三千人勦逆狗
四千餘衆擒斬者已過其四之一而助逆渠魁如阿布
都克勒木等大伯克數十人並
臨陣殲之逆酋黨惡殆盡云
國威赫濯揚天邊優叙

未足酬勞績

提奏至並有旨從優議叙猶念將軍叅贊等殫忱奮勇殊勲非常例可酬立待元兇

就縛時特加曠典

桂觴欲泛還罷旃百年養士今獲效

祖宗福蔭貽萬年佇待俘虜到露布西師之役方稱全
西師之役方稱全行張凱宴勞凱旋

御製詩二集卷八十九